

BOSNA I HERCEGOVINA
FEDERACIJA BOSNE I HERCEGOVINE
ZENIČKO DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO DOBOJSKOG KANTONA

Broj: T04 0 KT 0057162 24
Zenica, 17.04.2024. godine

**OPĆINSKOM SUDU U ZENICI
ZENICA**

Na osnovu člana 45. stav 2. tačka i) i člana 241. stav 1. Zakona o krivičnom postupku FBiH, **podizem**

OPTUŽNICU

Protiv:

Čičak Emraha, rođen 1992. godine u Zenici, osuđivan,

Što je:

Dana 04.01.2024. godine, oko 17,25 sati u Zenici u ulici Crkvice kod broj 58, nasiljem i naročito drskim i bezobzirnim ponašanjem ugrozio građanski mir, tako što je upravljajući vozilom „VW Caddy“ negodovao zbog toga što se ispred njega zaustavio minibus marke „Daimlerchrysler“ reg. oznaka ... koji je prevezio putnike, te trubio iz vozila, a zatim izvršio preticanje autobusa zaustavivši vozilo ispred autobusa, nakon čega je prišao autobusu udarajući rukama po autobusu i upotrebom fizičke snage nasilno otvorio vrata vozača na autobusu, a zatim ušao u autobus i približio se vozaču G. S. koji je sjedio za upravljačem, te upotrijebio sprej suzavac kojim je posprejao S. po očima, znajući i svjestan da mu na taj način može nanijeti povrede, što je i htio, kojom prilikom je sprej zahvatio i B. S. koja je sjedila na sjedištu iza vozača, a zatim je izašao iz autobusa i vozilom se udaljio u nepoznatom pravcu, nanijevši G. S. lake tjelesne povrede u vidu posttraumatske upale spojnice i rožnice oba oka, a B. S. akutnog zapaljenja grla,

Dakle, nasiljem i naročito drskim i bezobzirnim ponašanjem ugrozio građanski mir, pri čemu je drugima nanio lake tjelesne povrede,

Čime je počinio krivično djelo nasilničko ponašanje iz člana 362. stav 2. u vezi sa stavom 1. KZ FBiH.